

貴州通志

貴州通志

貴州通志卷之二十四

武備

師旅考

國朝

順治四年春正月流寇孫可望等陷遵義明末流
寇倡獷張獻忠據蜀僭號以延安人孫可望爲軍
師已而疑之乃改爲平東將軍而以李定國爲安
大西將軍劉文秀爲撫南將軍艾能奇爲定北將軍
陰制之獻忠戮蜀人幾盡次及其兵將可望等懼
直肅王至保寧獻忠中流矢死遂率衆奔貴州破
遵義入據貴陽城

掠無算平武縣新之間千里蕭然無雞犬聲○二月
月攻定番州城屠之○按察使張耀來議會益都勻
知府陳瑞同士民死守盡遇害○三月○
大清兵西征至遵義可望聞風屠貴陽城遁去畱爲
總兵梅永發巡道董顯忠守之○施大軍引還保寧
可望遂圍鎮寧州叅議武石率兵據守城破被
屠並屠安南普安等城遂入滇故明總兵羅聯芳
與前撫范鏞復據貴陽城時黔省未頒正朔苗蠻
蠢動諸蠻兵相攻者蹂躪地方無有寧日○四月
苗賊藍二糾衆反攻陷甕安黃平復圍平越府故
明總兵張才擊走之旋就擒戮於市○十月綦江

人王祥率兵數萬據遵義

五年七月王祥與皮熊

即羅芳

搆兵相攻圍貴陽城

八月平茶司人楊光謙等敗王祥兵貴陽圍解○

十月皮熊遣兵攻王祥次烏江爲祥所敗全軍覆

沒○十二月皮熊及王祥平

六年正月故明總兵張先壁擁兵由楚入黔至偏

橋皮熊遣楊光謙敗之○八月孫可望與皮熊等

以通好爲詞遣其前鋒白文選取安順府攻青崖

白納燕樓等箐硎破之旋撤去先是明桂王子由

榔自立於肇慶號永曆王是封皮熊匡國公王

祥忠國公使守貴州

七年四月白文選襲貴陽王之李定國至自滇與
皮龍范鎮等盟而去○八月孫可望由雲南襲據
貴陽皮熊走清浪追執之奪其兵又攻遵義王祥
兵敗自刎死

十四年八月孫可望降可望自據貴陽八年遣雲
南僉事楊畏知諭由榔請封爲秦王設行宮官屬
及府州縣衛所等官遣營官臨田徵租以十之三
給民九年可望迎由榔於桂林置之安籠所改曰
安籠府相待無人臣禮僞知府范應旭至書其支
糧簿籍皇帝一名后妃數口月支糧若干十年由
榔蜀李定國與可望有隙使內監張福祿全爲國

定國以兵來迎馬吉祥私告可望十一年春可

望使鄭國王愛至安籠殺福祿爲國與張鐫等十

八年十二年可望遣兵犯常德敗歸十三年李定

國敗於新會將由安籠走滇可望偵知之促由榔

移黔由榔故遲行定國至遂奉由榔由安南衛走

雲南至是可望率兵向雲南與定國戰於交水會

白交選馬進忠內變大敗還劉文秀率兵追至貴

陽可望遂走長沙來降

十五年二月宗室寧南靖寇大將軍都統羅託經

畧洪承疇率師取貴州三月至沅州賊遁四月入

貴陽五月都統侯李復遵義八月李定國遣兵寇

城下擊却之又遣兵襲青崖城敗去九月安遠靖
寇大將軍信郡王鐸尼率師至黔次偏橋時巡撫
趙廷臣亦至卽於行營受印視事十月會師取雲
南三路並進十一月信郡王發自貴陽李定國扼
鷄公背圖侵貴州遣別賊將守七星關抵生界立
營窺遵義以牽蜀師十二月王師出遵義田水
西取烏撒賊將棄七星關走霑益王師入安籠
連敗李定國於安籠之羅炎涼水井撒寨定國遁
歸雲南

十六年三月宗室寧南靖寇大將軍羅託璠師旋
京三月僞總兵官馮天裕等聚眾攻陷湄潭

劫掠平越思南等處總兵官胡茂正李本深等
川兵剿平之○夏四月僞將軍楊光謙降安置貴
陽○施秉縣苗亂殺知縣趙玉奇

十七年正月安遠靖寇大將軍信郡王鐸尼班師
還京○四月馬乃管土目龍吉兆等反雲貴既平
各土司俱奉貢賦遵約束有普安州所屬馬乃管
土目龍吉兆者與安南衛屯軍王回子田界相連
互相侵奪積爲仇讐吉兆因收養亡命私造軍器
奸民交元胡世昌兄榮還黑把事謝把事毛把事
等俱黨附之遙結李定國爲聲援糾合鼠場營龍
吉佐樓下營龍吉祥軟血盟掠廣西泗城州之土

寨安南衛之阿計屯水橋麻衣冲下三阿白屯等處所過劫戮民人竄逃總督趙廷臣巡撫卞三元再四招諭負固不服乃合疏請討之○六月爲寧國侯王友進降○黎平曹滴司土官楊華如招納亡命陳洪金等謀亂黎靖兵討平之○九月擒叛賊呂洪易等誅之洪易順天人自海賊鄭成功處轉入黔省竄伏水西隴革地方招逆黨權時泰賀鼎等自稱興國公謀取貴陽爲水西宣慰安坤發其奸擒洪易斃於獄餘黨伏誅○十一月總督趙廷臣進討馬乃十九日破果母寨殺賊數千擒吉兆子吉佐妻藏逆黨文元胡世昌於事賊寨破

昨明寨吉兆開寨拒守官兵圍之

二十八年二月總督趙廷臣令官兵人持一炬縱火
焚其寨破之龍吉兆及逆黨况榮還等皆伏誅馬
乃平○三月分駐大兵燾章京杜爾德等班師還
京○九月逆賊劉鼎叛圍定番州提督李本深擊
走之

康熙元年八月黎平歸弓寨苗亂提督李本深討
平之

二年正月平土官莫之廉以隱匿劉鼎伏誅金
筑土官王應兆與劉鼎通總督楊茂勲討平之鼎
敗逃水西七月被獲伏誅○十二月廣西夷阿仲

反僭稱永龍元年蓋據廣西隴納山出犯普坪安籠等處安順總兵官張鵬程討平之

三年正月逆賊党金印等謀反伏誅金印上元人自稱常遇春之後從粵走黔與水西安坤皮熊等同謀反金印稱蕩虜大將軍湘平伯偽造印勅旗纛聚黨陳鳳麟高岑吉士英米應貴等煽誘諸土司爲亂爲同黨陳大出首俱就擒○二月水西宣慰司安坤叛

上命總管吳三桂督雲貴各鎮兵分東西兩路討之○三月朔三桂統雲南十鎮兵由畢節七星關入果勇令總兵劉之復駐兵大方遏其衝逸令提督李

本深統貴州四鎮兵由上八方之六歸河會剿而屯糧於三岔河首尾夾攻而置既定而檄黔省兵書誤書六歸爲陸廣於是六深兵及黔蜀二省所運之糧盡屯陸廣三路氣自隔絕不相通三桂受困兩月食將絕外援不至永順總兵劉安邦戰死受圍益迫逼永西土目安如鼎遣人偵黔營虛實爲本深所獲始知三桂被圍已久乃使爲引導整兵入援副將白世彥手斬驍賊以罵於陣賊遂敗走總兵李如碧亦率精兵入重圍運糧接濟兵始合爲一敗賊阿作崗復敗之得初崗九月又敗之紅崖崗坤率其妻祿氏逃於木弄箐復逃至烏蒙烏

蒙不納坤遣漢把曾經賫印投降不許生擒坤於大方之杓箐並擒賊黨皮熊安重聖等熊不食十五日而死坤與重聖俱伏誅

四年十二月郎岱主司隴安藩反命吳三桂發兵討之藩乃安坤親黨坤滅後招納坤餘孽隴勝等及安重聖妻隴氏殺安順府經歷袁續攻破關嶺直犯永寧隴勝等亦攻犯大定曉寧殺畢節衛經歷秦文

五年五月平遠兵變尋撫定之○六月隴安藩等伏誅郎岱平○十二月湖廣通道縣苗吳老潘等稱王號煽惑黎平府屬黑崗口等處各苗造

討平之○烏撒臘之八叛伏誅

八年正月平苗之亂鎮遠副將石玉貴等合兵討平之○十一月定番苗阿戎等亂尋討平之

九年六月鎮遠府屬那磨等三十六寨逆苗降

十年春正月扯處烏夷日俄四阿蠟等降

十一年春正月凱里苗亂尋撫定之

十二年春二月廣順州苗變殺吏目蔣士璘○都

勻苗亂殺天壩司官天應祿○冬十二月吳三

桂反於雲南○督李本深以貴州應賊總督聶文

焜死之二十八日吳三桂陷貴陽

十七年七月吳三桂死於衡州

十九年十一月大帥復貴州先是逆黨郭壯圖因三桂死擁其孫世忠屯貴州以拒大帥及是定遠平寇大將軍固山貝子章泰統征南將軍廖占各旗正副都統喇賽薩克查巴圖魯釋加保陝納海麟吉祿陶代宜思孝官保內閣學士薩海總督盧崇峻蔡毓榮董衛國將軍林興珠提督趙賴周卞世等滿漢官兵由湖廣克辰龍關取鎮遠清平破僞將軍韓天福於平越世璠遁回雲南

二十年正月大帥克盤江吳世璠遣僞將軍線纘屯江江西坡扼險以待大將軍章泰大敗之賊兵

分據黃草壩征南大將軍賴塔統各旗正副都統
勒貝希福馬齊趙連額黑里花色紅實錄祖植椿
總督金光祖將軍馬九玉蒲漢官兵由泗城州奪
石門坎拔安籠所繞出賊後大破之

二十一年三月定遠大將軍章泰征南大將軍賴
塔及正副都統穆占希福莽吉祿喇賽孫他劉顯
忠等先後奏凱

詔移逆屬家口及僞將軍總兵副將等進京叅遊以下
俱發河南江西山東湖廣四省安置民間起夫運
送自二十一年起至二十七年始止

二十四年七月黎平賊何新瑞反新瑞本李姓初